

ANJA 1979, HOPI IMPORTANTE PA E FUTURO DI ARUBA

E anja aki ta un anja sumamente importante pa nos isla, na prome lugar Aruba a celebra su di 25 anja di carnaval y esaki pa nos isla ta algo grandi debi cu e ta un isla chikito y nos ta kere cu henter nos pueblo mester ta orguyoso dj'esaki. Aruba a haya nomber pa su Carnaval, especialmente cu e ta un celebracion di pueblo, na unda henter Aruba ta celebre.

Nos ta spera cu Aruba su Carnaval lo por celebra mucho mas anjanan di existencia.

Un biaha mas pueblo di Aruba, pa bien cu celebracion di nos di 25 aña di existencia di nos Carnaval. Otro luna nos lo bini cu un reportahe di e diferente evenementonan di nos Carnaval.

ANJA DI ELECCION PA DICIDI ARIBA DESTINO DI NOS PUEBLO

Atrobe nos isla ta para dilanti un eleccion pa eligi 21 representante, kendenan lo mester bai representa nos isla pa e proximo 4 anjanan. E 4 anjanan cu ta bin ta di vital importancia pa nos isla, especialmente ora bo ta haya cu tin diferente comisionnan ta trahando pa dicidi ariba e futuro di tanto Aruba como e otro islanan.

Aruba mester por haya personanan cu sa nan trabow y cu por representa nos isla.

Ora un eleccion ta dilanti porta semper bo ta mira e caranan di e politiconan, pero despues di esey, te cu e proximo eleccion atrobe.

GOBIERNO ACTUAL

Den e gobierno actual tabata tin algun diputadonan cu a hasi nan best

y a duna Aruba un gobernacion cu nos por cualifica hopi bon, especialmente ariba tereno constitucional. Den principio e gobierno actual a encontra cu basta problemanan, especialmente hopi desacuerdo y den varios ocasion cambio di deputadonan.

Esaki a trece cune basta obstaculo pa un bon gobernacion.

Naturalmente un gobierno no por hasi tur cos parew y cada partido tin nan sistema di goberna y e gobierno actual no a trece mucho proyectonan grandi padilanti, pero mas bien a dedica nan mes ariba e tereno constitucional di nos isla. Aruba a hiba su deseonan basta lew y hasta a pone Hulanda sinta na mesa usando articulo 26 di E.R.N.A. E gobierno actual di Aruba ta e unico gobierno cu a pone Hulanda sinta na mesa y tuma e deseonan di Aruba na serio.

BETICO CROES

Nos no por laga di menciona e gran trabow y empuhe cu Betico a duna na nos futuro independencia.

E ta un homber cu nan cualquier lugar y na cualquier ocasion a demostra di por defende nos causa y ta tuma su trabow na serio. Fuera cu Betico ta un gran politico e ta un homber sociaal y cu ta cla pa yuda na cualquier ocasion.

I hopi biaha nos politiconan ta lubida cu ta pueblo t'esun cu a pone nan yega asina lew.

MESTER TA MAS REPRESENTABLE

Nos politiconan mester ta un poco mas serio den nan trabow y tuma nan responsabilidad na pecho.

No pensa solamente temporada di eleccion pero pensa cu nos pueblo ta un pueblo humilde cu hopi pasenshi y cu merece un bon gobernacion. Hopi di nos gobernantenan ora haya puesto ta lubida e parti sociaal y muy en especial nos por menciona nos ministronan cu de bes en cuando ta asisti na actonan sociaal.

POLITICONAN HOBEN

Nos ta contento di por tende cu varios di e partidonan politico ta pensa pa incorpora hobennan ariba nan lista, reemplasando asina algun politiconan cu ya nan tempo a pasa. Ta bon pa nos hobennan haya un oportunidad pa demostra nan talento y tambe pa contribui na e futuro di nos isla.

Nunca un partido politico mester lubida esnan cu ta mas sociaal cu esakinan lo sali beneficoso no solamente cu e votonan, pero tambe nos isla cu ta chikito mester di personanan capaz y sociaal pa dirigie.

PRONOSTICACION REVISTA AMISTAD

Revista Amistad tin e siguiente pronosticacion pa e eleccion venidero. Nos ta calcula cu M.E.P. lo gana e eleccion cu 12 asiento, R.U.B.A. lo haya 4, P.P.A. 4 y A.V.P. 1.

Otro posibilidad ta: M.E.P. 12, R.U.B.A. 5, P.P.A. 3 y A.V.P. 1.

CAMPANJA LIMPI Y SERIO

Nos ta spera y desea cu e campanja lo worde hiba pa tur e partidonan limpi, serio y educativo. Nos ta spera tambe cu nos huentud por sinja algo di dje y cu e

programanan cu worde presenta pa diferente partidonan politico, lo worde cumpli tambe. Priminti ta facil, pero cumpli ta otro.

RESULTADO ENCUESTA REVISTA AMISTAD

Manera ta un tradicion e anja aki atrobe encuesta Revista Amistad a bolbe bira un exito y esaki tabata di 6 anja consecutivo cu e encuesta aki a worde organisa.

Un rekord grandi di lectornan di Revista Amistad den henter Antiyas a tuma parti na e encuesta aki.

E resultado ta lo siguiente:

1. Politico mas popular:
BETICO CROES
2. Deportista mas destaca:
ELI KOCK
3. Cantante mas popular:
BOYSI CROES
4. Actor activo mas formidable:
PEARSEY JEANDOR
5. Mehior discjockey:
RUBEN GARCIA
6. Mehior animador:

FLODO DI RADIO CARINA

7. Radio emisora mas scucha:
RADIO CARINA F.M.
8. Conhunto mas gusta:
LOS JUVENILES
9. Beatband mas gusta:
CRYPTUS CONFESSION
10. Disco mas gusta:
CUANDO UN AMOR SE MUERE DI TRIO HUASTECA
11. Persona mas importante:
BETICO CROES
12. Animador di T.V. mas popular:
TICO KUIPERI

Trofeonan especial a bai e anja aki pa Senjor Jos van der Schoot, persona cu a dedica 30 anja caba trahando pa e comunidad Arubano y tambe na Sr. Milo Croes, kende gracias na un gran parti di su esfuerso awe Aruba ta celebrando su di 25 anja di Carnaval y Sr. Rudi Benita pa su labornan ariba tereno di deporte.

E siguiente participantenan a gana e diferente premionan:

PREMIONAN

1. **YORAINNE S. BOEKHOUDT**

Alto Vista 153 - Noord, Aruba
Dos aña abonnement "REVISTA AMISTAD."

2. **SRA. MARGARITA KELLY**
Shiribana 1
Dos pasashi cu Ferry "ALMIRANTE LUIS BRION".
3. **ROLAND THIELMAN**
De Veerstr. 1
Un dinner experencia Arubiano pa dos persona na Aruba Beach Club.
4. **MELVA VROLIJK**
Cashero 1.
Un spaarbankboekje di Fls. 25,- obsequia pa Algemene Bank Nederland.
5. **JUSTINA GOMEZ**
San Fuego 18
Un regalo di Aruba Trading Company.
6. **SHAREEN DE MEY**
Savaneta 58A
Un vale di Fls. 25,- na Galeria Moderna.



**LAGO OIL AND TRANSPORT
COMPANY, LTD.**



Kier a felicita S.A.C. cu su celebracion di



CARNAVAL DI PLATA

Aruba den celebracion di Plata